



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacri sacerdotij defensio co[n]tra Lutheru[m]

Fisher, John

Coloniæ, 1525

VD16 F 1240

XXXVIII Co[m]plures utiq[ue] scriptores, tu[m] graecos, tu[m] latinos
rece[n]suimus, nu[n]c solu[m] pontifices memorabimus, qui Petro
successerunt.

urn:nbn:de:hbz:466:1-30878

Simile quiddā & Irenæus, qui Policarpū Iohannis apostoli discipulum audiuit, de Sotheris Aniceti successoris tempore scribit, Aniceto (inquit) successit Sother, qui nunc duodecimo loco ab aplis episcopatus sortē obtinet, & easdē quas apostoli tradiderunt prædicationes diuinæ fidei, integras illibatasq; custodit. At quorsum ista? Nimirum ut intelligamus, illud syncærum incorruptumq; fuisse dogma, quod ab eius temporis scriptoribus unanimiter fuisse traditum. Quum igitur orthodoxi cuncti, qui temporibus ipsis, quicquā scripserant palam testentur, presbyteros uere fuisse sacerdotes, ministeriūq; peculiare super gregem habuisse, quis dubitabit quin istud solidum & ueracissimum dogma sit. Sed age iam istud ostendamus.

Presbyteri habuerūt ministeriū singulare

¶ Cōplures utiq; scriptores, tū græcos, tū latinos recēsumus, nūc solū pontifices memorabimus, qui Petro successerunt. De Clemēte supra diximus. Successit aut huic Anacle-
tus, in cui⁹ decretis ita tradit. Porro et Hierosolymitarū prim⁹ archiepūs B. Iacobus, qui iustus dicebat, & secundū carnem, domini nuncupatus est frater, a Petro, Iacobo, & Ioanne apostolis est ordinatus, successoribus uidelicet dantibus formā eorū, ut minus q̄ a tribus epīs, reliquis omnibus assensum præbentibus, nullatenus epūs ordinet, & cōmuni uoto ordinatio celebret. Reliqui uero sacerdotes a proprio ordinent epō, ita, ut ciues & alij sacerdotes assensum p̄beant & ieiunātes ordinationē celebrēt. Similiter & diaconi ordinent. Cæterorū aut graduū distributio, triū ueraciū testium, epī scilicet probatiōe sufficere potest. Et rursum in eisdē. Sacerdotū fratres ordo bipartitus est. Et sicut dominus illū cōstituit, a nullo debet perturbari. Scitis aut a domino apostolos esse electos, & cōstitutos, & postea per diuersas prouincias ad prædicādū dispersos. Cū uero messis cœpisset crescere, uidēs paucos esse operarios ad eorū adiumentū septuaginta eligi præcepit discipulos. Epī uero duodecim apostolorū. Presbyteri q̄q; septuaginta discipulorū locum tenent. Hæc Anacletus.

XXXVIII

Iacobus iust⁹ archiepūs Hierosoly.

Episcoporum ordinatio.

Post hūc successit Euaristus, in cuius decretis ita legitur. Vnū nos fratres sentire oportet, & agere, ut sicut legimus, in

CONGRESSVS TERTIVS,

nobis unū cor & una anima esse probeſ. Scimus nāq; ſicut & a patribus accepimus Chriſtū eſſe caput, cuius & mēbra ſumus, & ideo unū patrē habem⁹ dñm in coelis. Sacerdotes uero uice Chriſti legatione funguntur in eccleſia.

Post hunc Alexander electus fuit, qui ſimiliter in ſuis decretis, poſtq̃ ueruerat ſacerdotes a clericis iniuſte accuſari, tandem ſubdit, peius malum fore non æſtimo, q̃ chriſtianos ſuis inuidere ſacerdotibus.

Sixtus inſup Alexandri ſucceſſor in ſuis decretis ita ſcribit, Cognoscat ueſtra ſapientia fratres chariſſimi, quia in hac ſancta apoſtolica ſede, a nobis, & reliquis epiſcopis, cæterisq; dñi ſacerdotibus ſtatutū eſt, ut ſacra uafa nō ab alijs, q̃ a ſacraſtis dominoq; dicatis contrectentur hominibus.

Theleſphorus itidē ſucceſſor Sixti de ſacerdotibus & epiſ loquens in decretis ſuis ait. Ipi autē qui proprio ore corp⁹ dñi conficiunt, ab omnibus ſunt obediendi, & timēdi & nō dilacerandi aut detrahendi, quia a quibus ſe dñi populus benedici, ſaluari, & inſtrui cupit, nullatenus eos debet arguere, nec uulguſ in eorū accuſationē ſuſcipi. Populus em̃ ab eis docendus eſt & corripiendus, nō ipſi ab eo, quia nō eſt diſcipulus ſuper magiſtrū. Nullo ergo modo dñi pontifices & reliqui ſacerdotes, quibus dñi cōmiſſa eſt plæbs, rite populum poſſunt corrigere, ſi deceptionis ſe cognouerint laqueo infeſtari. Unde iuſtū eſt omnes in uniuerſo orbe doctores legis, ea quæ legis ſunt ſapere, & nō ſacerdotes dñi labijs ſuis, aut quibuſlibet machinationibus maculare. Dum em̃ ipſos diſponūt, aut cupiunt maculare, potius ſeipſos maculant & uulnerant. Dei ergo ordinationē accuſat qua conſtituunt, qui ſacerdotes accuſat uel damnari cupit.

Eginus uero qui Theleſphoro ſucceſſit, nullā de ſacerdotibus ſub hoc nomine mentionē facit in decretis, quæ cōmuniter canonibus apoſtolorum annectuntur.

Sed neq; Pius qui ſucceſſit illi quanq̃ Ibo Carnotēſis epūſ, uir mire diligens, in quinta parte collectionū ſuarū ſic recenſet Piū ipſum tradidiſſe. Sicut qui eccleſiā dei uatſtat eiꝯq; prædia & donaria expoliat & inuadit ſit ſacrileguſ, ſic & ille qui eiꝯ

sacerdotes insequi, sacrilegij reus existit, & sacrilegus iudicatur. Sed quid multis opus est.

¶ Hos omnes constat ante Sotherē & Anicetū urbis Romanæ fuisse epōs, & hæc de sacerdotibus quæ iā recensuimus aperte tradidisse. Quare quū Egesippi pariter & Irenæi testimonijs, ut ostendimus, patet ecclesiā ad Sotheris & Aniceti tempora permanisse uirginē incorruptā & inuiolatā, non quod unquā uiolari possit, sed quod nondū quisquē in eā irrepperit hæresis archa, qui publice conatus fuisset eā contaminare, manifestū est identidē & ministerium ipsum, quod sacerdotū proprium est, non tū fuisse plæbi cōmune. Id quod iustissima ratione diuinitus ordinatū est. Plæbs enim formā gregis tenet, cui regendo, sacerdotes uelut pastores præficiuntur. Propter quod & Iohā. 21. Christus Petro iam tertio dixit. Pasce oues meas. Et profecto quēadmodū, oues ubi pastores abfuerint, pluribus malis afficiuntur. Quædā enim aberrant & dispergunt a reliquo grege, quidam in morbos incidunt, quibus nisi medela protinus adhibeatur, euadunt incurabiles. Aliæ a lupis atque cæteris id genus crudelibus færis deuorant. Nonnullæ quæ nō statis ad aquas & pascua ducantur remporibus, siti fameque sæpius intermoriuntur. Sic nimirū & populus (nisi maxima sollicitudine pastores euigilent) quidā in morbos animi dilabunt, & in omne scelus ruunt, quidam per hæreticos & scismaticos deperiunt & laniantur misere. Multi fame siti que pereunt ob diuini uerbi penuriā. Innumeri denique per inuia discurrunt, & a recto tramite longius diuagant, ut quēadmodū in prouerbijs Solomon ait. Vbi nō est gubernator, dissipabitur populus. Ista, nisi cotidie fieri nostris oculis conspiciamus, auderet forte quisquē impudenter ea penitus inficiari. At cōpertissimū habemus, ubi sacerdotes gregē sibi cōmissum pascunt uerbo, pariter & exēplo, populus a multis erroribus cohibetur. Et contra, quū sacerdotes officia sua negligentius agunt, populus in malorū omniū baratriū, preceps corruit. Ea propter haud dubie Christus, quū populum admodū haberet gregē, duodecim aplos instituit, quibus & septuaginta discipulos adiecit utrisque mandans, ut docerent plæbē, Petro tamen (quē suo gregi primariū reliquit pastore)

XXXIX.

Iohā. 21.

Prouer. 11.

Sacerdotū negligentia plurimū obest.

Matt. x.

Iohā. 21.